

IV

Ovlašćuje se Ministar privrede Kantona Sarajevo da sa Korisnicima sredstava iz tačke 1 ove Odluke potpiše ugovor o korištenju poticajnih grant sredstava za 2019. godinu, osim sa onim Korisnicima za koje je Ured za borbu protiv korupcije i upravljanje kvalitetom Kantona Sarajevo pokrenuo postupak kontrole utroška dodijeljenih poticajnih finansijskih sredstava po osnovu odluka Vlade Kantona Sarajevo u 2018. godini. Po okončanju ovog postupka, Ministar privrede će postupiti u skladu sa dostavljenim prijedlogom Ureda za borbu protiv korupcije i upravljanje kvalitetom Kantona Sarajevo.

V

Za realizaciju Odluke zadužuju se Ministarstvo privrede i Ministarstvo finansija Kantona Sarajevo.

VI

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-35648-18/19

10. oktobra 2019. godine

Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), Vlada Kantona Sarajevo, na 40. sjednici održanoj 10.10.2019. godine, donijela je

ODLUKU

O METODOLOGIJI POSTUPANJA VLADE KANTONA SARAJEVO I KANTONALNIH ORGANA UPRAVE PO POSLANIČKIM/ZASTUPNIČKIM PITANJIMA I INICIJATIVAMA

I

(Predmet Odluke)

Ovom odlukom uređuje se metodologija postupanja i rokovi postupanja kantonalnih ministarstava, samostalnih kantonalnih uprava i samostalnih kantonalnih upravnih organizacija i kantonalnih uprava i upravnih organizacija u sastavu kantonalnih ministarstava i Vlade Kantona Sarajevo (u daljem tekstu: kantonalni organi) na poslanička/zastupnička pitanja i inicijative zastupnika u Skupštini Kantona Sarajevo (u daljem tekstu: poslanička/zastupnička pitanja i inicijative).

II

(Rokovi)

Rukovodilac kantonalnog organa dostavlja odgovor na poslanička/zastupnička pitanja i inicijative u roku koji je propisan Poslovníkom Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15 i 48/16).

U svrhu realizacije obaveze rukovodioca kantonalnog organa iz stava (1) ove tačke, rukovodilac kantonalnog organa će odrediti odgovorno lice za koordinaciju izrade odgovora na poslanička/zastupnička pitanja i inicijative prema nadležnosti svog organa uprave i prema odredbama tačke VI ove odluke.

III

(Rokovi za zakašnjele odgovore na poslanička/zastupnička pitanja i inicijative podnesene do 01.09.2019. godine)

- (1) Vlada Kantona Sarajevo (u daljem tekstu: Vlada) i/ili rukovodilac kantonalnog organa su u obavezi da u roku od 60 dana od dana stupanja na snagu ove odluke dostave odgovore na neodgovorena poslanička/zastupnička pitanja i inicijative podnesena u periodu od 01.06.2019. godine do 02.09.2019. godine.
- (2) Vlada i/ili rukovodilac kantonalnog organa su u obavezi da u roku od 90 dana od dana stupanja na snagu ove odluke dostave odgovore na neodgovorena poslanička/zastupnička pitanja i inicijative podnesena u periodu od 16.11.2018. godine do 01.06.2019. godine.

- (3) Vlada ukida obavezu dostave odgovora na poslanička/zastupnička pitanja i inicijative za mandatni period 2014.-2018. godine, kao i za poslanička/zastupnička pitanja i inicijative za ranije mandatne periode.

IV

(Metodologija postupanja po poslaničkim/zastupničkim pitanjima i inicijativama adresiranim na Vladu i druge organe uprave)

- (1) Zadužuje se sekretar Vlade da poslanička/zastupnička pitanja i inicijative upućene Vladi, a u vezi sa radom Vlade ili poslovima iz njene nadležnosti, za koje je potrebno pribaviti odgovore od kantonalnih organa, prosljeđuje kantonalnim organima u roku ne dužem od tri (3) radna dana od datuma službenog prijema zastupničkog pitanja ili inicijative, kako bi isti u okviru svoje nadležnosti pravovremeno pripremili odgovarajuće dijelove odgovora ili izjašnjenja.
- (2) Zadužuju se kantonalni organi da na prosljeđena poslanička/zastupnička pitanja i inicijative koje su dobili od sekretara Vlade prema odredbama iz stava (1) ove tačke, dostavljaju odgovore sekretaru Vlade radi zauzimanja konačnog stava ili zaključka Vlade po podnesenom poslaničkom/zastupničkom pitanju i inicijativi, a u roku koji je propisan Poslovníkom Skupštine Kantona Sarajevo, osim za slučajeve i utvrđene rokove vezano za zakašnjele odgovore na poslanička/zastupnička pitanja i inicijative iz tačke III ove odluke.
- (3) U svrhu realizacije ove odluke, kao i realizacije Odluke o uspostavi javnog registra Vlade Kantona Sarajevo o postupanju po poslaničkim/zastupničkim pitanjima i inicijativama iz tačke V ove odluke i Zaključka o imenovanju odgovornih lica za koordinaciju izrade odgovora na poslanička/zastupnička pitanja i inicijative iz tačke VI ove odluke, Vlada imenuje sekretara Vlade da postupa kao odgovorno lice za koordinaciju izrade odgovora na poslanička/zastupnička pitanja i inicijative koja su adresirana na Vladu i/ili na Vladu i dodatno na jedan i više organa uprave.
- (4) U svrhu realizacije zadataka iz stava (3) ove tačke, Vlada ovlašćuje sekretara Vlade, da za realizaciju zadataka iz stavova (1), (2) i (3) ove tačke imenuje jednu ili više osoba da pruže tehničku podršku sekretaru Vlade pri ispunjenju zadataka iz stavova (1), (2) i (3) ove tačke.
- (5) U svrhu realizacije ove odluke, kao i realizacije Odluke o uspostavi javnog registra Vlade Kantona Sarajevo o postupanju po poslaničkim/zastupničkim pitanjima i inicijativama iz tačke V ove odluke i Zaključka o imenovanju odgovornih lica za koordinaciju izrade odgovora na poslanička/zastupnička pitanja i inicijative iz tačke VI ove odluke, svi kantonalni organi će u roku koji je propisan Poslovníkom Skupštine Kantona Sarajevo redovno pratiti svoje obaveze i dostavljati odgovore Skupštini Kantona Sarajevo, a u skladu sa tačkom III ove odluke.

V

(Odluka o javnom registru postupanja po osnovu poslaničkih/zastupničkih pitanja i inicijativa zastupnika u Skupštini Kantona Sarajevo).

U cilju realizacije ove odluke, Vlada će, u roku ne dužem od osam (8) radnih dana od dana donošenja ove odluke, donijeti Odluku o uspostavi javnog registra Vlade Kantona Sarajevo o postupanju po poslaničkim/zastupničkim pitanjima i inicijativama.

VI

(Rješenje o imenovanju odgovornih lica za koordinaciju izrade odgovora na skupštinska pitanja i inicijative)

U cilju realizacije Odluke, Vlada će, u roku ne dužem od osam (8) radnih dana od dana donošenja ove odluke, donijeti Rješenje o imenovanju odgovornih lica za koordinaciju izrade odgovora na poslanička/zastupnička pitanja i inicijative pri svakom kantonalnom organu, a u skladu sa tačkom I ove odluke.

VII
(Izvjestaji)

Zavod za informatiku i statistiku Kantona Sarajevo se obavezuje da Vladi podnosi redovne tromjesečne izvještaje o prekoračenju rokova za odgovore, prema podacima iz "Javnog registra postupanja po osnovu poslaničkih/zastupničkih pitanja i inicijativa, sa tabelarnim pregledom broja dana zakašnjenja i imena odgovornih lica za koordinaciju izrade odgovora na poslanička/zastupnička pitanja i inicijative.

VIII
(Disciplinska odgovornost)

Na osnovu izvještaja iz tačke VII ove odluke, premijer Kantona i rukovodioci kantonalnih organa će pokretati disciplinske postupke protiv odgovornih osoba u skladu sa stavovima (3) i (4) člana 55. Zakona o državnoj službi u Kantonu Sarajevo ("Službene novine Kantona Sarajevo", broj 31/16) i u skladu sa svim podzakonskim aktima koji regulišu pitanje disciplinske odgovornosti.

IX
(Zaključak o ličnom podnošenju izvještaja rukovodioca kantonalnog organa)

U slučaju da se tokom razmatranja izvještaja o prekoračenju rokova za odgovore iz tačke VII ove odluke, utvrdi da su kašnjenja prouzročili rukovodioci kantonalnih organa svojim nečinjenjem, nepažnjom ili odsustvom nadzora, Vlada će donijeti zaključak da su isti obavezni lično podnijeti izvještaj na prvoj narednoj sjednici Skupštine Kantona Sarajevo sa javnim izvinjenjem i obrazloženjem svojih postupaka koji su rezultirali prekoračenjem rokova za odgovore na poslanička/zastupnička pitanja i inicijative.

X
(Subsidijarna primjena)

Na sva druga pitanja koja nisu uređena ovom odlukom, primjenjuju se odredbe Poslovnika o radu Vlade Kantona Sarajevo ("Službene novine Kantona Sarajevo", broj 31/16 i 36/16) i Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15 i 48/16).

XI
(Stupanje na snagu)

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-35648-22/19
10. oktobra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), Vlada Kantona Sarajevo, na 40. sjednici održanoj 10.10.2019. godine, donijela je

ODLUKU

**O USPOSTAVI JAVNOG REGISTRA POSTUPANJA
VLADE KANTONA SARAJEVO PO
POSLANIČKIM/ZASTUPNIČKIM PITANJIMA I
INICIJATIVAMA**

I
(Predmet Odluke)

Ovom odlukom uspostavlja se Javni registar postupanja po osnovu poslaničkih/zastupničkih pitanja i inicijativa poslanika/zastupnika u Skupštini Kantona Sarajevo (u daljem tekstu: poslanička/zastupnička pitanja i inicijative) na internet stranici Vlade Kantona Sarajevo ("https://vlada.ks.gov.ba") u formi dodatne podstranice.

II
(Sadržaj WEB stranice)

- (1) Svako poslaničko/zastupničko pitanje i inicijativa zauzima po jedan red tabele, uključujući i slučajeve da je za dostavu odgovora zaduženo dva i više organa uprave ili je za potrebe odgovora Vlade Kantona Sarajevo (u daljem tekstu: Vlada) potrebna dostava odgovora dva ili više organa uprave, tada će za svaki organ uprave koji učestvuje u davanju odgovora imati svoj zaseban red sa istim linkom na pitanje koje se odnosi na dva i više organa uprave, ili na Vladu i više organa uprave koji su dužni dati svoje odgovore, kako bi Vlada bila u mogućnosti da sastavi odgovor na poslaničko/zastupničko pitanje ili inicijativu.
- (2) Registar postupanja se kreira u formatu elektronske tabele sa sljedećima sadržajem:
 - a) Kolona 1.:
Link (poveznica) na poslaničko/zastupničko pitanje ili inicijativu (jednostavna elektronska poveznica sa originalnim tekstom pitanja ili inicijative, bez kopiranja teksta navedenog na stranici Skupštine Kantona Sarajevo: <https://skupstina.ks.gov.ba/pitanja-inicijative/all>).
 - b) Kolona 2.:
Unosi se naziv organa uprave na koje se poslaničko/zastupničko pitanje ili inicijativa odnosi. U slučaju da se predviđa obezbjeđenje odgovora od dva ili više organa uprave, u svakom sljedećem redu se ponavljaju odgovarajući podaci za organe uprave pojedinačno,
 - c) Kolona 3.:
Unosi se ime i prezime rukovodioca organa uprave na koje se poslaničko/zastupničko pitanje ili inicijativa odnosi. U slučaju potrebnog kreiranja odgovora od dva ili više organa uprave, u sljedećim redovima se unose imena i prezimena rukovodioca tih organa uprave,
 - d) Kolona 4.:
Unosi se datum zaprimanja poslaničkog/zastupničkog pitanja ili inicijative kod rukovodioca organa uprave na koje se poslaničko/zastupničko pitanje ili inicijativa odnosi. U slučaju da se predviđa obezbjeđenje odgovora od dva ili više organa uprave, u svakom sljedećem redu se unose datumi zaprimanja kod rukovodioca organe uprave pojedinačno,
 - e) Kolona 5.:
Unosi se ime i prezime odgovornog lica za koordinaciju izrade odgovora na poslanička/zastupnička pitanja i inicijative kojeg je imenovao rukovodioc organa uprave na koje se poslaničko/zastupničko pitanje ili inicijativa odnosi. U slučaju potrebnog kreiranja odgovora od dva ili više organa uprave, u sljedećim redovima se unose imena i prezimena odgovornih lica za koordinaciju izrade odgovora na poslanička/zastupnička pitanja i inicijative svakog organa uprave zasebno,
 - f) Kolona 6.:
Unosi se datum zaprimanja poslaničkog/zastupničkog pitanja ili inicijative kod odgovornog lica za koordinaciju izrade odgovora na poslanička/zastupnička pitanja i inicijative kojeg je imenovao rukovodioc organa uprave na koje se poslaničko/zastupničko pitanje ili inicijativa odnosi. U slučaju potrebnog kreiranja odgovora od dva ili više organa uprave, u sljedećim redovima se unose datumi zaprimanja od odgovornih lica za koordinaciju izrade odgovora na poslanička/zastupnička pitanja i inicijative pri svakom organu uprave pojedinačno,
 - g) Kolona 7.:
Unosi se datum interne dostave poslaničkog/zastupničkog pitanja ili inicijative od odgovornog lica za koordinaciju izrade odgovora na poslanička/zastupnička pitanja i inicijative prema internim rukovodiocima ili stručnim licima unutar tog organa uprave, koja su prema opisima svojih radnih mjesta nadležna za odgovor na poslaničko/zastupničko pitanje ili inicijativu. U slučaju